

Zaihasrim b. Mohd Dawal

From: Unit Komunikasi Korporat
Sent: Sunday, July 30, 2017 9:27 AM
To: UUM - All Staff; UUM - All Students
Subject: Naib Canselor Tinjau Projek Pembangunan Dan Pengindahan Kampus



Unit Komunikasi Korporat
CORPORATE COMMUNICATION UNIT
Universiti Utara Malaysia



30 JULAI 2017 / 06 ZULKAEDAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Gambar oleh: Seksyen Fotografi

NAIB CANSELOR TINJAU PROJEK PEMBANGUNAN DAN PENGINDAHAN KAMPUS



UUM ONLINE: Naib Canselor, Prof Dato' Seri Dr Mohamed Mustafa Ishak telah membuat tinjauan ke beberapa lokasi projek pembangunan di sekitar UUM, Khamis lalu.

Antara lokasi yang dilawati adalah tapak projek pembangunan restoran ikan bakar dan projek edutorism mini zoo.

Naib Canselor berkata, kelak apabila projek pembangunan restoran ikan bakar itu siap, ia akan menjadi satu lagi daya tarikan terbaharu di UUM yang mana secara tidak langsung membantu menjana pendapatan universiti, seterusnya bertindak sebagai hab pelancongan negeri Kedah.

Tambah beliau, restoran itu bakal menawarkan pelbagai kemudahan antaranya bilik mesyuarat, aktiviti untuk program akademik dan kelas kokurikulum, selain aktiviti santai dan riadah.

"Restoran ikan bakar ini akan dibuka kepada semua pengunjung yang ingin menjamu selera sambil menikmati keindahan panorama kampus ini.

"Manakala projek edutorism mini zoo pula akan mendapat sejumlah fauna yang baharu yang mana projek ini sememangnya akan menjadi sumber tarikan kepada pengunjung," katanya.

Menurut Naib Canselor lagi, dengan kewujudan pelbagai spesis fauna seperti itik, angsa, burung merak dan ayam mutiara di mini zoo ini, ia akan membentuk satu ekosistem habitat baharu di lembah Sintok.

Pada petang itu, beliau turut berkesempatan meninjau aktiviti mengindahkan kampus khususnya di kawasan sekitar pintu masuk UUM dengan penanaman pelbagai flora berwarna warni bagi menarik lebih ramai pengunjung.

Naib Canselor berkata, pengindahan kampus itu juga adalah sebahagian langkah persediaan UUM yang menjadi tuan rumah Majlis Pentauliahkan Kor SISPA IPTA pada 6 Ogos dan Majlis Pentauliahkan Kor SUKSIS IPTA pada 20 Ogos depan.

Selain itu katanya, ia juga adalah bagi menyambut ketibaan pelajar baharu yang akan mula mendaftar pada 5 September nanti.

Sesi taklimat projek pembangunan tersebut telah disampaikan oleh Pengarah JPP, Ir Md Uzairin Saidin dan disertai Pengarah Canselori, Ahmad Rasidi Abdullah dan pegawai kanan JPP.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.